



Број: 01/4-50-3-4-21/16
Сарајево, 20.4.2016.

Z A P I S N I K

21. sjednice Komisije za finansije i budžet Predstavničkog doma Parlamentarne skupštine BiH, održane 19.4.2016., od 13 do 15 sati.

Sjednici Komisije prisustvovali su članovi: Predrag Kožul, Salko Sokolović, Amir Fazlić, Mirsad Isaković i Jasmin Emrić.

Opravdano su odsustvovali: Aleksandra Pandurević, Damir Bećirović, Dušanka Majkić i Nenad Lalić.

Sjednici su, također, prisustvovali: Sanja Jokić, sekretarka Ministarstva finansija i trezora BiH, Ćinita Fočo, direktorica Agencije za javne nabavke BiH, Hajrudin Lagumdžija, pomoćnik direktora, Zora Aleksić, šefica Odsjeka u Upravi za indirektno oporezivanje BiH, Borislav Matić, šef Službe za pravne poslove Ureda za reviziju institucija BiH, Maja Ribar, savjetnica u Delegaciji Evropske unije u BiH, Jelena Despot, savjetnica u Uredu visokog predstavnika u BiH, Samir Mušević, savjetnik, Aleksandar Paleksić, saradnik u Projektu USAID SGIP, Nejra Neimarlija Roić, saradnica Instituta za razvoj mladih KULT, Dubravko Brdar, šef Kabineta, Iva Pelivan, savjetnica u Kabinetu zamjenice predsjedavajućeg Predstavničkog doma PSBiH, Jovica Katić, stručni savjetnik za informisanje Sektora za odnose s javnošću Sekretarijata PSBiH, Vladan Veljić, volonter u PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici su također prisustvovali i predstavnici medija: Aida Kovač, novinarka FENE, Snežana Samardžija, novinarka SRNE, Anja Grabovac, novinarka Oslobođenja, i Amina Nuhanović, novinarka Dnevnog avaza.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći:

DNEVNI RED

1. Usvajanje Zapisnika 20. sjednice Komisije;

2. Razmatranje Prijedloga zakona o izmjenama i dopunama Zakona o finansiranju političkih stranaka – prva komisijska faza (predlagač: poslanici Predstavničkog doma);
3. Razmatranje Izvještaja o radu Vijeća ministara BiH za 2015. godinu u dijelu nadležnosti Komisije za finansije i budžet Predstavničkog doma Parlamentarne skupštine BiH, i to za sljedeće institucije:
 - Ministarstvo finansija i trezora BiH;
 - Upravu za indirektno oporezivanje BiH;
 - Agenciju za javne nabavke BiH.
4. Razmatranje Izvještaja o aktivnostima Ureda za reviziju institucija BiH za 2015. godinu (sačinilac: Ured za reviziju institucija BiH).

Predloženi dnevni red usvojen je jednoglasno.

Ad.1. Usvajanje Zapisnika 20. sjednice Komisije

Zapisnik 20. sjednice Komisije usvojen je jednoglasno, bez primjedbi.

Ad.2. Razmatranje Prijedloga zakona o izmjenama i dopunama Zakona o finansiranju političkih stranaka – prva komisijska faza (predlagač: poslanici Predstavničkog doma)

Prijedlog zakona o izmjenama i dopunama Zakona o finansiranju političkih stranaka obrazložio je Lazar Prodanović, poslanik u Predstavničkom domu PSBiH.

Potom je otvorena rasprava u kojoj su učestvovali: Jasmin Emrić, Mirsad Isaković, Predrag Kožul i Lazar Prodanović, poslanik u Predstavničkom domu Parlamentarne skupštine BiH.

Nakon rasprave, Komisija je jednoglasno prihvatila principe Prijedloga zakona o izmjenama i dopunama Zakona o finansiranju političkih stranaka, u prvoj komisijskoj fazi.

Ad.3. Razmatranje Izvještaja o radu Vijeća ministara BiH za 2015. godinu u dijelu nadležnosti Komisije za finansije i budžet Predstavničkog doma Parlamentarne skupštine BiH, i to za sljedeće institucije:

- Ministarstvo finansija i trezora BiH;
- Upravu za indirektno oporezivanje BiH;
- Agenciju za javne nabavke BiH.

Predsjedavajući Komisije upoznao je članove Komisije o tome da je Vijeće ministara BiH 16.3.2016. dostavilo Parlamentarnoj skupštini BiH Izvještaj o radu Vijeća ministara BiH za 2015. godinu. Kolegij Predstavničkog doma je na sjednici održanoj 4.4.2016. stalnim komisijama Predstavničkog doma Parlamentarne skupštine BiH dostavio Izvještaj na razmatranje, uz sugestiju da svaka komisija Izvještaj razmatra u okviru svoje nadležnosti, te Domu dostavi svoje mišljenje.

Izvještaj o radu Ministarstva finansija i trezora BiH za 2015. godinu obrazložila je Sanja Jokić, sekretarka Ministarstva finansija i trezora BiH.

Zatim je otvorena rasprava u kojoj su učestvovali: Mirsad Isaković, Salko Sokolović, Predrag Kožul i Sanja Jokić, sekretarka Ministarstva finansija i trezora BiH.

Nakon rasprave, Komisija je jednoglasno prihvatila Izvještaj o radu Ministarstva finansija i trezora BiH za 2015. godinu.

Također, Komisija je jednoglasno usvojila sljedeći zaključak:

„Predstavnički dom Parlamentarne skupštine BiH traži od Ministarstva finansija i trezora BiH da u narednom periodu dostavlja šestomjesečne informacije o stanju javne zaduženosti BiH.“

Izvještaj o radu Uprave za indirektno oporezivanje BiH za 2015. godinu obrazložila je Zora Aleksić, šefica Odsjeka u Upravi za indirektno oporezivanje BiH.

Potom je otvorena rasprava u kojoj su učestvovali: Mirsad Isaković, Jasmin Emrić, Predrag Kožul, Hajrudin Lagumdžija, pomoćnik direktora, i Zora Aleksić, šefica Odsjeka u Upravi za indirektno oporezivanje BiH.

Nakon rasprave, Komisija je jednoglasno prihvatila Izvještaj o radu Uprave za indirektno oporezivanje BiH za 2015. godinu.

Izvještaj o radu Agencije za javne nabavke BiH za 2015. godinu obrazložila je Ćinita Fočo, direktorica Agencije za javne nabavke BiH.

Potom je otvorena rasprava u kojoj su učestvovali: Mirsad Isaković, Jasmin Emrić, Predrag Kožul i Ćinita Fočo, direktorica Agencije za javne nabavke BiH.

Nakon rasprave, Komisija je jednoglasno prihvatila Izvještaj o radu Agencije za javne nabavke BiH za 2015. godinu.

Ad.4. Razmatranje Izvještaja o aktivnostima Ureda za reviziju institucija BiH za 2015. godinu (sačinilac: Ured za reviziju institucija BiH)

Izvještaj o aktivnostima Ureda za reviziju institucija BiH za 2015. godinu obrazložio je Borislav Matić, šef Službe za pravne poslove Ureda za reviziju institucija BiH.

Potom je otvorena rasprava u kojoj su učestvovali: Mirsad Isaković, Predrag Kožul i Borislav Matić.

Nakon rasprave, Komisija je jednoglasno prihvatila Izvještaj o aktivnostima Ureda za reviziju institucija BiH za 2015. godinu.

Ad.5. Tekuća pitanja

Željko Kosmajac, sekretar Komisije za finansije i budžet Predstavničkog doma PSBiH, upoznao je članove Komisije s pozivima Projekta USAID SGIP na raspravu o temi: „izazovi i iskustva u primjeni Priručnika za integriranje ravnopravnosti spolova u pravne propise i Priručnika o rodno odgovornom budžetiranju“, koja će biti održana 25.4.2016., s početkom u 11 sati, u Hotelu „Evropa“, u Sarajevu, te o seminaru: „Javna odgovornost i odnosi s javnošću“, koji će biti održan 26.4.2016., s početkom u 10 sati, u Centru za posjetioce, u zgradi PSBiH.

Potom je sekretar Komisije upoznao članove o tome da je, u skladu s ovlaštenjem Komisije za finansije i budžet, uputio dopis institucijama BiH koje je Komisija javno saslušala vezano za revizorske izvještaje o finansijskom poslovanju institucija BiH za 2014. godinu, te obavijestio Komisiju o institucijama koje su dostavile odgovore u traženom roku.

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 21. sjednice Komisije za finansije i budžet PDPSBiH